



# SEHEPA 2026 jadi platform nilai impak pembangunan mahasiswa UPM

Oleh: Husnina Zahra Hadri



SERDANG, 12 Mac – Seminar Hal Ehwal Pelajar 2026 (SEHEPA 2026) menjadi platform penting Universiti Putra Malaysia (UPM) menilai keberkesanan program pembangunan mahasiswa serta memperkukuh ekosistem pemeraksanaan pelajar dan alumni di universiti itu.

Timbalan Naib Canselor (Hal Ehwal Pelajar dan Alumni) UPM, Profesor Dr. Arifin Abdu, berkata seminar tersebut berfungsi sebagai ruang perkongsian idea, pembentangan amalan terbaik dan penilaian impak pelbagai inisiatif pembangunan pelajar yang dilaksanakan di universiti.



“Penganjuran SEHEPA selari dengan aspirasi Rancangan Pendidikan Tinggi Malaysia (RPTM) 2026–2035 yang memberi penekanan kepada pembangunan bakat berprestasi tinggi dan graduan holistik.

“Antara fokus utama adalah pembelajaran yang berpaksikan kemanusiaan, berciri keusahawanan serta adaptif dalam membangunkan potensi pelajar agar lebih berdaya saing dalam dunia yang semakin mencabar,” katanya.

Tambah beliau, seminar tersebut bukan sekadar platform pembentangan idea, malah menjadi mekanisme untuk menilai impak sebenar program pembangunan mahasiswa yang dilaksanakan oleh entiti Hal Ehwal Pelajar dan Alumni (HEPA) di universiti.

“Melalui pembentangan yang dibuat, kita dapat melihat dengan lebih jelas hasil serta kesan program pembangunan pelajar yang dijalankan di setiap Pusat Tanggungjawab (PTJ), sekali gus menambah baik pelaksanaannya pada masa hadapan,” katanya.



SEHEPA yang kini dianjurkan di peringkat universiti berpotensi diperluaskan ke peringkat kebangsaan dan antarabangsa bagi memperkukuh perkongsian ilmu serta jaringan kerjasama dalam bidang pembangunan mahasiswa.

Seminar tersebut menghimpunkan barisan pentadbir universiti, pengarah, timbalan dekan, pengetua kolej kediaman serta pelajar yang membentangkan kajian dan inisiatif berkaitan pembangunan mahasiswa.

Dalam pada itu, penganjuran SEHEPA diharap dapat menjadi pemangkin kepada usaha berterusan UPM dalam melahirkan graduan holistik, berdaya saing serta mampu menyumbang kepada pembangunan masyarakat dan negara.

## Other News

- Karnival Kesihatan Putra...  
[Read more »](#)
- Empat Pelajar PhD UPM Wakili...  
[Read more »](#)
- MPK KTMB UPM, MKK UniSZA jalin...  
[Read more »](#)
- UPM perluas perkongsian ilm...  
[Read more »](#)
- DOGATHON 2026 tingkat kesedara...  
[Read more »](#)
- UPM anjur Projek Komuniti@UniMAD  
[Read more »](#)

## News Archive

### Latest

- Year
- 2026
  - 2025
  - 2024
  - 2023
  - 2022
  - 2021
  - 2020
  - 2019
  - 2018
  - 2017



Universiti Putra Malaysia  
43400 UPM Serdang  
Selangor Darul Ehsan  
Malaysia

+603-9769 1000  
pspk@upm.edu.my

### Media

- News
- Article
- Video
- UPM in the News
- Document

### Contact Us

- Feedback

### Others

- UPM Holdings
- UPM Plate Number
- Give to UPM
- Tender and Contracts
- Ministry of Higher Education
- UPM AI HUB
- Sustainability@UPM